

兰花诗词大全

1.
炎夏悠悠白昼长，空斋睡起扶匡床。不须甲煎添金鸭，风泛崇兰满几香。
。——文征明《题兰》
2.
飞琼散天葩，因依空岩侧。守墨聊自韬，不与众草碧。——袁桷《墨兰两首》
3.
寒儒家舍只寻常，破纸窗边折竹床。接物罕逢人可语，寻春多被雨相妨。
。庭垂竹叶因思酒，室有兰花不炷香。到底闭门非我事，白鸥心性五湖傍。
。——戴复古《家居复有江湖之兴》
4.
绿水唯应漾白苹，胭脂只念点朱唇。自从画得湘兰后，更不闲题与俗人。
。——徐渭《水墨兰花》
5.
大谷空无人，芝兰花自香。寻根竟不见，芳草如人长。——叶子奇《塘上闻兰香》
6.
白露沾长早，春风到每迟。不如当路草，芬馥欲何为。——崔涂《幽兰》
7.
寒谷初消雪半林，紫花摇弄昼阴阴。是谁曾见吹香处，千古春风楚客心。
。——吴惟信《兰花》

8.
兰叶春葳蕤，桂华秋皎洁。欣欣此生意，自尔为佳节。谁知林栖者，闻风坐相悦。草木有本心，何求美人折。——张九龄《感遇》

9.
鸥波亭上春风笔，秀色翛然共一丘。头白江南真想见，幽兰丛竹带桑洲。——吴宽《赵松雪兰竹图》

10.
婀娜花姿碧叶长，风来胜隐谷中香。不因纫取堪为佩，纵使无人亦自芳。——爱新觉罗·玄烨《咏幽兰》

11.
青草三闾亭下，苍梧二女祠前。欲采幽芳寄远，月明秋水涓涓。——管讷《墨兰》

12.
懊恨幽兰强主张，开花不与我商量。鼻端触着成消受，着意寻香又不香。——李日华《画兰》

13.
九畹齐栽品独优，最宜簪助美人头。一从夫子临轩顾，羞伍凡葩斗艳俦。——秋瑾《兰花》

14.
正则篇中第一芳，幽人清兴写行行。瓶间纸上盈盈处，知是花香是墨香？——金声《题孙铭常画兰》

15.
望望楚天云，月坠秋江冷。帝子魂不来，为写一枝影。——张印《写兰》

16.
楚山无语楚江长，留得骚人一瓣香。风雨劝君多拂拭，世间萧艾易披猖

。——宋湘《题兰》

17.

蕙抱兰怀只自怜，美人遥在碧云边。东风不救红颜老，恐误青春又一年。
。——何绍基《柬魏默源》

18.翠露沉沉玉环冷，忘言坐视空山春。——王冕《幽兰咏》

19.

六月衡湘暑气蒸，幽香一喷冰人清。曾将移入浙西种，一岁才华一两茎。
。——赵孟坚《题墨兰》

20.

为草当作兰，为木当作松。兰秋香风远，松寒不改容。松兰相因依，萧艾徒丰茸。
。——李白《于五松山赠南陵常赞府》

21.

倾辉引暮色。孤景留思颜。梅歇春欲罢。期渡往不还。——鲍照《幽兰》

22.

身在千山顶上头，深岩深缝妙香稠。非无脚下浮云闲，来不相知去不留。
。——郑板桥《山顶妙香》

23.

孤兰生幽园，众草共芜没。虽照阳春晖，复悲高秋月。飞霜早淅沥，绿艳恐休歇。
若无清风吹，香气为谁发。——李白《古风其三十八·孤兰生幽园》

24.

道是深林种，还怜出谷香。不因风力紧，何以度潇湘。——景翩翩《写兰》

25.

碧玉参差簇紫英，当年剩有国香名。风前漫结幽人佩，澧浦春深寄未成。
。——景翩翩《紫兰》

26.

我爱幽兰异众芳，不将颜色媚春阳。西风寒露深林下，任是无人也自香。
。——薛网《兰花》

27.

江南三月多芳草，绿叶连娟映紫茎。忆昔舫舟苕霅上，一汀香雨入琴清。
。——陈旅《题赵吴兴墨兰》

28.

深谷暖云飞，重岩花发时。非因采樵者，那得外人知。——揭傒斯《春兰》

29.

采采幽香远欲闻，郑公书带与缤纷。虚堂客去风来候，绕壁寻诗总为君。
。——李慈铭《题子缜画兰》

30.

倾辉引暮色，孤景留思颜。梅歇春欲罢，期渡往不还。——鲍照《幽兰五首》

31.兰之猗猗，扬扬其香。不采而佩，于兰何伤。——韩愈《幽兰操》

32.

珍重幽兰开壹枝，清香耿耿听犹疑。定应欲较香高下，故取群芳竞发时。
。——苏辙《幽兰花》

33.

孤臣万古愁，湘渚水东流。江芷汀蓂满，空令泣楚囚。——郑元祐《子昂兰》

34.

幽花耿耿意羞春，纫佩何人香满身。一寸芳心须自保，长松百尺有为薪。
。——苏辙《次韵答人幽兰》

35.

孤竹皆殷墨，两龚真楚清。试凭兰与蕙，难弟复难兄。——龚璊《题兰花二首·其二》

36.

奕奕幽兰傍砌栽，紫茎绿叶向春开。晚晴庭院微风发，忽送清香度竹来。
。——文嘉《兰花》

37.

春兰未了夏兰开，万事催人莫要呆；阅尽荣枯是盆盎，几回拔去几回栽。
。——郑燮《盆兰》

38.生无桃李春风面，名在山林处士家。——杨万里《兰诗》

39.

楚泽多兰人未辨，尽以清香为比拟。萧茅杜若亦莫分，惟取芳馨袭衣美。
。——梅尧臣《兰》

40.

挥毫拂拂画生气，绝似扬州郑克柔。笔墨无功性灵出，一痕花影一痕秋。
。——张问陶《题图牧山画兰》

本文链接：<https://duanjuziku.com/duanjuzi/g0xlouoofe.html>